

OHÀN DOGBỌN VẼNGLE DALI

Isaia 5:1-30

NUPINPLỌN 349 – Na Mewinyanwinyan Lẹ

Nupinplọn Do Tame: "Dindọn wẹ na yé he to oylan ylo ọ dagbe lẹ, bo to dagbe ylo ọ oylan, he yí zinvlu do hinhon tẹmẹ, bo yí hinhon do zinvlu tẹmẹ" (Isaia 5:20).

Adokunnu Vivé Na Jihwéyẹwhe

Jihwéyẹwhe yiwanna omẹ yiwanna Eton lẹ, ovi Israeli ton lẹ. To whedenu E ylo yé ọ "adokun osòhẹ" Eton (Psalm 135:4). E domo: "yẹn yí okàn gbẹtọ de ton lẹ do dọn yé, po okògàn owanyi ton lẹpo" (Hosea 11:4). Whenuena akọta Israeli ton gán sọn kanlinmogbenu Egipti ton mẹ, Jihwéyẹwhe domo: "yẹn zé mi hẹn awà akùn ton lẹ ji, bo hẹn mi wá dẹ de do" (Eksodusi 19:4). Pón le Jihwéyẹwhe yiwanna Israeli sọ!

Şigba Israeli ko yí mayóndagbe do dọnyigodo sọn wanyi helọ mẹ, yé sọ to vodúnsẹn do otẹn Jihwéyẹwhe sínsẹn ton mẹ. Yé ma yón le onú dagbe he E ko wà na yé lẹpo klo sọ gba; yé sọ gbẹ nado sètonu na ogbèdide Eton.

Ohàn Isaia Tọn

To gbèdopo, Jihwéyẹwhe ọ na Isaia nado jihàn nado flin Israelivi lẹ núhe Emi ko wà na yé lẹ ton. "Dinvie yẹn na jihàn hlan mèvivẹ şie ohàn mèvivẹ şie ton na vẹngle Eton wutu." Jesu wẹ "Mẹyiwanna" Jihwéyẹwhe ton, E sọ yí Israeli jlẹ do vẹngle de go to osó he whánji ji, vẹngle he yè dopá lẹdo.

Jihwéyẹwhe ko yí aigba Kanani ton na Israeli, E ko sọ ọ na yé ofihe odògbó aigba yeton ton jẹ na yé. Odògbó nẹlẹ lọ wẹ ogle ehe ton dali Isaia to hànji gbọn. Ablaham wẹ yè dópagbe aigba helọ ton na jenukọn; to ehelọ godo, to ahóludu Sọlọmọni ton whenu, gbẹtọ lẹ nọ nọ sùsù aigba lọ ton lẹ mẹ. Eyin Israelivi lẹ sètonu na gbèdide Jihwéyẹwhe ton, mède ma tin he na ko dohúhlọn nado yí sọn yé si gba.

Jihwéyẹwhe ko şinyan "ozánnu lẹ" (kavi kosi lẹ) sẹ sọn "vẹngle" lọ mẹ. E ko yàn akọta kosi lẹ ton sẹ sọn Israelivi lẹ nukọn whenuena yé jẹ aigba kanani ton ji. Kiki ovi Israeli ton lẹ kẹdẹ wẹ Jihwéyẹwhe jlo nado nọ nọ finẹ. Eyin yé basi kẹdẹdile Ewọ jlo na yé ni wà do wẹ, ogbèzán yeton na ko gọ na odona, yé na ko sọ gbawhan kentọ lẹpo ton.

Sinsẹn Vivlé

Jihwéyẹwhe hò omẹ Eton lẹ pón, "vẹngle yíwanna" Eton. E dó yé do aigba kanani ton ji, E bo sọ yí onúdagbe lẹpo do pekona yé. Şigba, na Israeli dọnyigodo sọn Jihwéyẹwhe de, Jihwéyẹwhe domo: "E to pinpón ọ ni sẹn sínsẹn, şigba sínsẹn vivlé wẹ e sẹn." Pón le yé flu I sọ!

Nawẹ ayiha towe na te do eyín hiẹ ko jẹtukla talala nado şinyan ozánnu sẹ sọn aigba de mẹ, bọ e sọ yín ọ alọ wẹ hiẹ do şinyan ozánnu nẹlẹ dopodopo; bọ hiẹ sọ dopá lẹdo e pé, bọ hiẹ sọ dó ovẹn sínsẹn dagbedagbe, bọ hiẹ sọ basi ahàndanú do e mẹ ga nado nọ finyọn sínsẹn eton; to tuklajijẹ he lẹpo godo, whenuena hiẹ jlo na gbẹn ojínokun towe lẹ, bọ hiẹ wá mọ ọ sínsẹn vivlé kẹdẹ wẹ tin to finẹ. Hiẹ ma mọ núde yí sọn finẹ po húhlọnzọn, po akuezinzán towe lẹ po gba. Ovọ wẹ. Nuhe ohó mẹhe ton yè ọ to ohàn helọ mẹ basi gán wẹ hiẹ lọsu jlo na basi ga: hiẹ na hó opá towe liai, hiẹ bo na sọ jo e dai na ovẹwun nado jọ to finẹ, na kanlin lẹ nisọ nọ nọ finẹ.

Whèdida Nugbo Tọn

Kẹdẹdile e ko sọgbe do, Jihwéyẹwhe ylo Israeli po Juda po nado basi whèdida owèhọ vẹngle lọ ton: "Etẹwẹ yè do wà na vẹngle şie bọ yẹn ma basi to e mẹ?" Be hiẹ sọgan lẹnnu do onúdevo he jẹ he Ewọ na sọ wà hlan vẹngle helọ na e nido sọgan hẹn sínsẹn dagbe jẹgbonu wá?

Be hiẹ sọgan lẹnnú gbọn onú devo ton dali he jẹ na Jihwéyẹwhe nado wà, nado hẹn Israeli omẹ Eton lẹ wà dagbe kẹdẹdi akọta? E hẹn yé jẹgbonu wá sọn Egipti, whenuena yé yín akọta he tin to kanlinmogbenu; E sọ na yé aigba he na hẹn sínsẹn, ehe yè ko dó dai, E sọ na yé ohwé nado nọ nọ e mẹ, ehe yè ko gbá dai. E yàn kentọ yeton lẹ sẹ sọn nukọn yeton. E ọ na yé ọ yéwle wẹ na yín otà, akọta he

pò lẹ nasọ yín osí. E yí sìnṣèn nugbo tọn do alọmẹ na yé, Jihwéyẹwhe dopolọ he nọ sè bo sọ nọ yígbe na odẹ yetọn. Onú lẹpo wẹ Jihwéyẹwhe wà na omẹ Eṭon lẹ.

Whenuena Jihwéyẹwhe jlo dọ yé ni basi núde na Ẽn, nado dọ yẹwheho whlẹngan tọn na aihon lẹpo, yé gbẹ bo sọ to vodún sèn. Yé wọnji Jihwéyẹwhe go, mọwẹ ayiha yeton sọ gọ na oylan whepoponu. Yé ma tlẹ tindo owanyi hlan yénzo gba. "E dónukun whèdida, ɣigba dayi ego, yadonamẹ; E dónukun dódó, ɣigba do ayi ego, ahwá". Ogbèzán yeton sọ taidi aigba húhú he Jihwéyẹwhe dó jikun eton ote.

Jikun Matin

Jihwéyẹwhe ko kọhona yé whenuena yé jó Egipti dai dogbon núhe na jọ do yé go dali eyín yé lẹkọ sọn godo na Ẽn. Dopo to e mẹ wẹ yín dọ Ewọ na do alọ jikun tọn ote. Jihwéyẹwhe nọ jajikun whenuena E jlo; eyín Ewọ sọ hẹn dote, jikun ma nasọ ja gba. Núde matin he na tónkùn eyín osin matin, enẹwutu, aigba Kanani tọn gbògbé. Mède matin he jlo na nọ e mẹ gba, mọwẹ ovi Islaeli tọn (he yè nọ ylọ Jù lẹ) fónyì sọn finẹ. E tlẹ sọ wẹawu na akomasegbe he tin to finẹ lẹ nado mọ ogbè na osọ po kanklosopóawenọ yeton lẹ po, sùsù to yé mẹ sọ háhàna ogòhọ yeton lẹ, bo sọ fónyì sọn finẹ. Mọwẹ aigba he na ko yín ovèngle sìnṣènno sọ lẹzùn gbògbé matin sìnṣèn gba. Na ohwè sùsù wẹ aigba Palèstini tọn do tin matin sìnṣèn, kẹdẹdi oyajiji na Islaelivi lẹ gbẹ Klisti dai wutu.

Owanyi Jihwéyẹwhe Tọn Hlan Mí Dali

Mi gbọ mí ni lẹnnupọn dogbon núhe Jihwéyẹwhe ko wà na mí dali. E do Jesu Ovi deton Eton dopo akàn hlan mí nado kú na mí. Osèn Eton wẹ ehe lọ: "alindon he wàylando, e na kú". Gbẹto dopodopo wẹ ko wàylando pón bo sọ jẹ na okú, ɣigba Jesu jo Ede nado kú do oten míton mẹ. Pón le eje na mí do nado gọ na opẹ sọ dọ Jesu ko wleawu vò nado yí oya míton ji. ɣigba mí do na tindo ojlo nado wá Ede bọ yé nisọ whlẹn mí gán, yín e ma yín mọ mí na jiya.

Omesùsù wẹ gbẹ nado dín whlẹngan. Jesu to avivi do yé ji kẹdẹdile E ko viavi do Jelusalẹm atẹsitọ ji do: "Jelusalẹm E, Jelusalẹm . . . whla nẹmu wẹ yẹn do ko bẹ ovi towe lẹ pli, dile koklosi de nọ bẹ ovi eton lẹ do awà eton glọ do, bọ miwlẹ ma jlo!" (Matiu 23:37). Devo dogó, E sọ kanbiọ dọ: "etẹ wẹ yè do wà . . . bọ yẹn ma basi to e mẹ?" Etẹwẹ Jesu na ko wà nado hẹn ylandonọ wá lẹnvojo kọn bọ E ni sọ hẹn yé yi olon mẹ?

Omẹdido Mítón

Jesu wá aihon mẹ nado do alidide ogbè tọn hia mí. Biblu dọ na mí le E zán ogbèzán Eton do, E sọ jlo mí ni taidi I. Mí ma sọgan dọ dọ mí ma yón le mí na nọ zán walọ do gba. E zé winwlandai ohó Eton tọn dai na mí nado plon dogbon onúpopo dali to aihon mẹ.

To ehe godo, gbọn okú Eton dali to osó Kalvali tọn ji, podọ ohùn he E kọndai, E na mí huhlọn nado nọ nọ ogbèzán matin ylando tọn mẹ. Etẹ wẹ po bọ Ewọ nasọ basi?

Okú Eton Na Kẹntọ Eton Lẹ

Eya mí ko nọ sè dọ mède zé ogbè Eton liai na honton Eton lẹ. ɣigba hiẹ ma sọgan do tódido dọ mède sọgan kú na kẹntọ eton lẹ gba. Jesu wà mọ. Paulu Apósteli dọ na mí dọ: "Na vlavo wẹ mède na jlo kú na gbẹto dódónọ dé: . . . ɣigba Jihwéyẹwhe dè owanyi Eton hia hlan mí dali, na whenuena mí gbẹ to ylandonọ yín, Klisti kú na mí" (Lomunu lẹ 5:7,8). Jesu kú na kẹntọ Eton lẹ na E yiwanna yé, E sọ jlo na whlẹn yé gán.

Be e ma jẹ na mí nado yawu yí oylọ Eton? E ko basi onúhe E sọgan basi lẹpo nado whlẹn mí sọn olonzodo si. E to yiylọ dinvie, dọ: "Okunọ dọmọ, wá dinvie, na mí ni lẹnnu dopó; eyín ylando míton bia, yé na wé taidi kẹnsún eyín yé divẹ taidi aláli, yé na taidi sékanfún" (Isaia 1:18).

Oyajiji Na Tonumase

Whèdida neleş he Jihwéyẹwhe ko hwlé do Islaelivi lẹ ji na wá omẹ dopodopo he na lẹkọ sọn godo nẹ lẹ ji. E dọmọ: "Dindon wẹ na yé he nọ fón to afónnufú na yé nido yánmọna ahàn sinsinyen; he nọte to emẹ kakajẹ ozánmẹ, kaka ovẹn do hẹn yé hùnmiyon!" Mèdelẹ lẹn dọ núde ma tin he ylan to ahàn sinsinyen núnú mẹ gba, eyín yé ma ko gbẹ nù bo mú; ɣigba yẹwhegán neleş sọ dọmọ: "dindon wẹ na yé he

dóhuhlọn nado nù vènhàn, podọ húhłontọ lẹ nado flusọ ahàn sínsínyẹn!" Eyín yé tẹ dóhuhlọn nado nù ahàn bo ma mú gba, sọgan onúhe jẹgọ wẹ. Olọnzodo ko hùn odò mapote etọn dai nado yí ylandono mọnkọ lẹ, podọ omẹdevo lẹ ga.

Jihwéyẹwhe dọmọ lẹgba po angẹli etọn lẹ po wẹ yè wleawu olọnzodo tọn dai na sọn whẹwhẹwhenu; sọgba eyín gbẹtọ lẹ gbẹ nado mọ whlẹngan, yéwłọsu ga na yí finẹ.

Jihwéyẹwhe hodẹdo mẹhe to oylan ylọ dọ dagbe lẹ, podọ dagbe dọ oylan. Oylan sùsù wẹ tin to aihọn mẹ dinvie ehe gbẹtọ lẹ tọ yiyọ dọ ylando nukun hùnhùn tọn. Sọgba flin dọ, eyín Jihwéyẹwhe dọ dọ núde ma yọn, enẹ lọ wẹ yín dọ e ma yọn, ma hò onúhe gbẹtọ lẹ to didọ gbọn e dali pọn blo.

Jihwéyẹwhe sọ hodẹdo yé mẹhe to núglọnú yí lẹ nado sọnyọnnúdo ylando, "yé he sùwhẹna mẹylankan na ale wutu." Whenuena mí hia winwlandai dogbọn ylando owghenu Israelivi lẹ tọn dali; mọkẹdẹ ga wẹ e te do po ylando gbẹtọ lẹ tọn po to egbé he. "Enẹwutu wẹ homẹ OKLUNỌ tọn gble do omẹ Etọn lẹ go."

Mí ma jlo na depope to whẹdida po odẹhodó he lẹ po mẹ ni wá mí ji gba, enẹwutu, mì gbọ mí ni jo ayiha mítọn hlan Jihwéyẹwhe to ovúwhenu mítọn. Mì gbọ mí ni nọ zinzọnlín po ayipipa po to ogbẹzán mítọn lẹpo mẹ, to tónusè na Ohó Etọn mẹ, na mí nido sọgan tindo odona Jihwéyẹwhe tọn to file to aihọn mẹ podọ ehe E ko yí wleawu etọn dai lẹ na mẹhe yiwanna na Ẹn lẹ.

OKANBIỌ LẸ

1. Etẹ go wẹ yè jlẹ Israeli do to ohàn he lọ mẹ?
2. Basi apajlẹ núhe Jihwéyẹwhe basi na ovẹngle Etọn tọn.
3. Etẹ wẹ E mọ whenuena E to nukun do sínsẹn?
4. Etẹ wẹ "zannu lẹ" nọte na?
5. Oyajiji tẹwẹ yè hwlé do ovẹngle nẹ lọ ji?
6. Etẹ wẹ Jesu wà na mí?
7. Etẹwutu wẹ olọnzodo do "hùn odòmapote etọn dai"?
8. Ylọ oyín vude tọn to onúhe ji odẹhodo Jihwéyẹwhe tọn tin te lẹ.
9. Mẹnụ wẹ yè ylọ nado basi whẹdida to Jihwéyẹwhe po ovẹngle Etọn po sẹnsẹn?